

Бонск министр андлгдв

БЕРЛИН. (ТАСС). Гамбург балгъснд сунъгъврин ъмн болсн митингд августин 20-д босдж уг келсн транспортин бонск министр Зеебом, цѳѳкн хонг хооран, бас эн балгъснд босдж уг келсн харслтин министр Штраус мет, андрулгдснъ, АДН агентствин сонъсхврас ил медгдджаня. Бонск правительствин дя белдлгънйа политик харсхар седсн хойр министриг митингд орлцджасн улс ишкрлгъяр тосцхав.

Зеебом митингд босдж уг келджях цагт, ѳврмджтйа йовдл гарв гидж агентств сонъсхджана. Митингд орлцджасн улс „Зеебом гарч арлти!“ „Эн худл келджаня!“ — гилдяд утар татад хйакрлдцхав. Бонск министрин угиг келуллго, кесг дакдж зогсав. Тиигдж зогсджасн нег цагт, хар уха-

ни ундстйа „немецк парти“ залус тѳвкнулдж, „диг-дара“ бурдяхар седхлань, митинг бурдагъачнр, дайна марш татти гидж оркестрт закв. Бонск министр шулун кевяр уган чилых зѳвтйа болдж гарв.

Зеебоман угин хѳѳн, митингд орлцджасн улсас, правительствин политикин тускар эвранны санл-тоолвран келхар седсн нег куйг, президиумин чледудин негнъ трибунд курглго, тулкяд буулгъчкв. Теруня хѳѳн, митингин харулчнр тер куйг цокад, полицур котлдж авч одв. Болв цуг эн полицейск эв-аргъар бонск министр шуугата кевяр андрулгдсиг дардж болсн уга. Митингин гардачнр тургн кевяр митинган хаахас талдан юм олдж авсн уга.